


SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina III - Broj 1

Ponedjeljak, 3. januara 1994.
SARAJEVO

Za svaki broj posebno se
utvrđuje cijena
Žiro-račun 10100-603-1396

1

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O POREZU ZA POTREBE ODBRANE I OBNOVE REPUBLIKE BOSNE I HERCEGOVINE

Član 1.

Ovom uredbom uređuje se obaveza plaćanja poreza za potrebe odbrane i obnove Republike Bosne i Hercegovine (u daljem tekstu: Republika).

Obveznici izdvajanja i uplate poreza iz stava 1. ovog člana su državljani Republike, u zemlji i inostranstvu.

Porez iz stava 1. ovog člana prihod je republičkog budžeta.

Član 2.

Porez iz člana 1. ove uredbe u zemlji plaćaju:

Fizička lica po stopi od 10%, i to:

- radnici zaposleni kod domaćeg poslodavca na neto platu;
- radnici zaposleni kod inostranog poslodavca, na mjesečna primanja;
- penzioneri na penzije;
- penzioneri na penzije koje primaju iz inostranstva;
- građani koji samostalno obavljaju djelatnost ličnim radom na neto lična primanja;
- vlasnici žiro-računa, koji su u radnom odnosu na svaku uplatu na žiro-računu, po osnovu honorara.

Obračun i uplatu poreza iz stava 1. tačka 1. alineja 1., 3. i 6. ovog člana, vrši isplatilac plate, penzije, odnosno honorara, istovremeno sa isplatom plate, penzije odnosno honorara.

Obračun i uplatu poreza, iz stava 1. tačka 1. alineja 2., 4. i 5. ovog člana, vrši obveznik mjesečno, odnosno prilikom prijema primanja, odnosno penzije.

Porez iz stava 1. alineja 1., 3. i 5. ovog člana uplaćuje se na posebne račune kod Službe društvenog knjigovodstva Bosne i Hercegovine, a porez iz stava 1. aliheja 2. i 4. ovog člana uplaćuje se na devizni račun Ministarstva finansija - sredstva Republike konto 7230 na račun Narodne banke Bosne i Hercegovine kod slijedećih banaka:

1. DEUTSCHE BANK AG.
FRANKFURT

DEM 9359316

2. UNION BANK OF SWITZERLAND
ZUERIH

CHF 6010905 I

3. CREDIT ANSTALT-BANKVEREIN
WIEN

ATS 0101-66007/00

4. BARCLYS BANK PLC LONDON

GBP 60867888

5. BANK OF NEW-YORK

NEW-YORK

USD 890-0057-149

ili u gotovom u Trezor Narodne banke Bosne i Hercegovine.

Član 3.

Porez iz člana 1. ove uredbe u inostranstvu uplaćuju:

1. Fizička lica po stopi od 10%, i to:

- državljani Republike zaposleni kod inostranih poslodavaca i penzioneri kao i državljani Republike, koji prihode ostvaruju angažovanjem sopstvenog kapitala (vlasnici preduzeća i radnji, umjetnici i sl.), izuzev državljana Republike koji su prema Uredbi sa zakonskom snagom o administrativnim taksama ("Službeni list RBiH", broj 24/92) oslobođeni plaćanja administrativne takse, na neto lična primanja;

- državljani Republike koji rade u preduzećima, pogonima preduzeća, predstavništvima, bankama i diplomatsko-konzularnim predstavništvima Republike u inostranstvu, na neto primanja.

Porez iz stava 1. ovog člana uplaćuje se prenosom sredstava u korist računa diplomatsko-konzularnog predstavništva Republike ili u gotovom kod diplomatsko-konzularnog predstavništva Republike.

Obveznici poreza iz stava 1. ovog člana podnose dokaze o izvršenim uplatama, propisanim ovom uredbom, diplomatsko-konzularnom predstavništvu, po potrebi, a obavezno jedanput godišnje.

Diplomatsko-konzularno predstavništvo obavezno je petnaestodnevno vršiti prenos sredstava iz stava 1. ovog člana na račune iz člana 2. ove uredbe i obezbijediti sve propisane evidencije za praćenje izvršenih uplata.

Diplomatsko-konzularno predstavništvo Republike obavezno je mjesečno izvještavati o izvršenim uplatama Ministarstvo finansija, putem Ministarstva vanjskih poslova.

Član 4.

Državljeni Republike i strani državljani, kao i pravna lica iz Republike i inostranstva, mogu za potrebe odbrane i obnove Republike uplaćivati donacije.

Uplata donacija iz stava 1. ovog člana predstavljaće osnov za ostvarivanje prava na olakšice - carinske, poreske i druge, kao i pogodnosti kod investiranja, u skladu sa zakonom.

Donacije se uplaćuju na račune iz člana 2. ove uredbe, uz eventualnu naznaku svrhe donacije.

Član 5.

Državljeni Republike u inostranstvu, dužni su, prilikom ostvarivanja prava u diplomatsko-konzularnom predstavništvu Republike, pružiti dokaze da su izvršili obaveze utvrdene ovom uredbom, kao i da su uplatili neizmirene obaveze po osnovu

odluke o organizaciji obezbjeđenja sredstava za odbrambene potrebe Republike Bosne i Hercegovine u zemlji i inostranstvu ("Službeni list RBiH - Povjerljivo glasilo", broj 1/92 i "Službeni list RBiH - Posebno glasilo", br. 6/93 i 17/93).

Član 6.

Za realizaciju obaveza iz člana 2. ove uredbe zadužuje se Ministarstvo finansija, a za obaveze iz člana 3. ove uredbe zadužuje se Ministarstvo finansija i Ministarstvo vanjskih poslova.

Ministar finansija u saradnji sa ministrom vanjskih poslova donijet će uputstvo kojim će se regulisati način vođenja evidencija, kontrole i propagiranja uplata utvrđenih ovom uredbom.

Član 7.

Novčanom kaznom od petorostrukog do petnaestorostrukog iznosa neplaćenog poreza kazniće se za privredni prestup pravno lice ako ne izvrši uplate iz člana 2. stav 1. tačka 1. alineja 1., 3. i 6. ove uredbe.

Za privredni prestup iz stava 1. ovog člana, kazniće se i odgovorno lice u pravnom licu novčanom kaznom od 1.000.000 do 2.500.000 dinara.

Za ponovljeni privredni prestup iz stava 1. ovog člana, pravnom licu izreći će se zaštitna mjera zabrane bavljenja određenom djelatnošću u trajanju od šest mjeseci.

Član 8.

Novčanom kaznom od dvostrukog do deseterostrukog iznosa neplaćenog poreza utvrđenog ovom uredbom, kazniće se fizičko lice iz člana 2. stav 1. alineja 2., 4. i 5. ove uredbe, ako ne izvrši uplatu poreza u rokovima predviđenim članom 2. stav 3. ove uredbe.

Član 9.

Danom stupanja na snagu ove uredbe prestaju da važe:

1. Uredba sa zakonskom snagom o načinu obezbjeđenja sredstava za odbrambene potrebe Republike Bosne i Hercegovine ("Službeni list RBiH - Povjerljivo glasilo", broj 1/92);

2. Odluka o organizaciji obezbjeđenja sredstava za odbrambene potrebe Republike Bosne i Hercegovine u zemlji i inostranstvu ("Službeni list RBiH - Povjerljivo glasilo", broj 1/92 i "Službeni list RBiH - Posebno glasilo", br. 6/93 i 17/93).

Član 10.

Ova uredba stupa na snagu danom objavljivanja u "Službenom listu RBiH", a odredbe čl. 2., 3. i 5. ove uredbe, primjenjive se od 1. januara 1994. godine.

PR broj 1607/94

Predsjednik

2. januara 1994. godine
Sarajevo

Predsjedništva RBiH,
Alija Izetbegović, s. r.

UREDBU SA ZAKONSKOM SNAGOM

**O IZMJENAMA UREDBE SA ZAKONSKOM SNAGOM
O SLUŽBI U ARMiji REPUBLIKE BOSNE I
HERCEGOVINE**

Član 1.

U Uredbi sa zakonskom snagom o službi u Armiji Republike Bosne i Hercegovine ("Službeni list RBiH", br. 11/92, 8/93 i 17/93), u članu 12. stav 3. mijenja se i glasi:

"Odnos širine i dužine zastave je jedan prema dva".

Član 2.

Ova uredba stupa na snagu danom objavljivanja u "Službenom listu RBiH".

PR broj 1605/93

Predsjednik

29. decembra 1993. godine
Sarajevo

Predsjedništva RBiH,
Alija Izetbegović, s. r.

3

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

**O IZMJENAMA I DOPUNAMA UREDBE SA
ZAKONSKOM SNAGOM O VOJNOJ OBAVEZI**

Član 1.

U Uredbi sa zakonskom snagom o vojnoj obavezi ("Službeni list RBiH", br. 11/92 i 17/93) u članu 1. st. 1. i 2. riječ "građani" zamjenjuju se riječju "državljeni".

Član 2.

U članu 20. na kraju stava 1. riječi: "21 godinu" zamjenjuju se riječima "19, odnosno sa 20 godina, ako je učenik izgubio jednu godinu prije izbijanja rata".

Iza stava 5. dodaje se novi stav 6., koji glasi:
"Odredbe stava 2. ovog člana ne primjenjuju se za vrijeme ratnog stanja".

Član 3.

U članu 22. stav 2. riječ "aktivne" briše se.

Član 4.

U članu 25. stav 1. tačka 2. riječ "privodenjem" zamjenjuje se riječju "prirođenjem".

Član 5.

U članu 56., iza stava 2. dodaje se novi stav 3. koji glasi:
"Putovanje i boravak u inozemstvu vojnih obveznika za vrijeme ratnog stanja uređuje se propisom Vlade Republike Bosne i Hercegovine, na prijedlog ministra odbrane".

Član 6.

Iza člana 57. dodaje se novi član 57a., koji glasi:

"Član 57a.

Za vrijeme ratnog stanja ne primjenjuju se odredbe čl. 26., 27., člana 29. stav 1., člana 36. stav 2., člana 55. i člana 57. stav 2. ove uredbe".

Član 7.

U članu 62. stav 4. tačka 3. briše se.

Stav 5. briše se.

Dosadašnji st. 6., 7. i 8. postaju st. 5., 6. i 7.

Član 8.

U članu 70. stav 1. mijenja se i glasi:

"Vojni obveznik koji je do dana stupanja na snagu ove uredbe ocijenjen nesposobnim za vojnu službu u mirnodopskom stanju podliježe reviziji ocjene zdravstvene sposobnosti za vojnu službu".

Član 9.

U članu 72. stav 1., riječi: "ili su mobilizirani u oružane snage", brišu se.

Član 10.

Ova uredba stupa na snagu danom objavljivanja u "Službenom listu RBiH".

PR broj 1606/93

Predsjednik

29. decembra 1993. godine
Sarajevo

Predsjedništva RBiH,
Alija Izetbegović, s. r.

4

Na osnovu Amandmana LI tačka 5. stav 3. na Ustav Republike Bosne i Hercegovine i člana 14. Zakona o Univerzitetu ("Službeni list SRBiH", broj 39/90), na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 14. decembra 1993. godine, donijelo je

ODLUKU

O IMENOVANJU KOMISIJE MATIČARA ZA OSNIVANJE PEDAGOŠKE AKADEMIJE U ZENICI

I

Imenuje se Komisija matičara za osnivanje Pedagoške akademije u Zenici:

1. prof. dr LADA ŠESTIĆ, redovni profesor Metalurškog fakulteta,
2. doc. dr ŽELJKO SKULJEVIĆ, vanredni profesor Metalurškog fakulteta,
3. mr KEMAL SUBAŠIĆ, viši asistent Metalurškog fakulteta,
4. mr RAMO ARNAUTOVIĆ, viši asistent Metalurškog fakulteta,
5. mr MUHAMED ARNAUT, viši asistent Metalurškog fakulteta.

Za sekretara Komisije matičara imenuje se SADETA HADŽIĆ, diplomirani pravnik.

II

Zadaci Komisije matičara utvrđeni su odredbama člana 14. Zakona o Univerzitetu.

III

Ovu odluku objaviti u "Službenom listu RBiH".

Broj 02-111-800/93

Predsjednik

16. decembra 1993. godine

Predsjedništva RBiH,

Sarajevo

Alija Izetbegović, s. r.

5

Na osnovu člana 48., stav 4. Uredbe sa zakonskom snagom o obrani ("Službeni list RBiH", br. 4/92, 9/92, 19/92, 11/93 i 17/93), Vlada Republike Bosne i Hercegovine, donosi

UREDBU

O DOPUNI UREDBE O RADNOJ OBAVEZI

Član 1.

U Uredbi o radnoj obavezi ("Službeni list RBiH", broj 19/92), u članu 3. stav 3., iza riječi "organ", dodaju se riječi "okruga, grada i", iza riječi "poimenično" dodaju se riječi "okružne, gradske odnosno", a iza riječi "područja", dodaju se riječi "okruga, grada odnosno".

Član 2.

Iza člana 5. dodaje se novi član 5a, koji glasi:

"Član 5a.

Državni organi, preduzeća i druga pravna lica dužna su pribaviti saglasnost na svoja akta o unutrašnjoj ratnoj organizaciji iz člana 5. ove uredbe.

Saglasnost iz stava 1. ovog člana daje, i to:

- 1) za republičke državne organe i druge republičke institucije - Ministarstvo odbrane,
- 2) za okružne državne organe i druge okružne institucije kao i za preduzeća i druga pravna lica od posebnog značaja za odbranu Republike, odnosno od značaja za odbranu okruga - okružni sekretarijat odbrane,
- 3) za gradske državne organe i druge gradske institucije, kao i za preduzeća i druga pravna lica od posebnog značaja za grad, odnosno od značaja za odbranu grada - gradski sekretarijat za odbranu,
- 4) za opštinske državne organe i druge opštinske institucije i preduzeća i druga pravna lica koja nisu obuhvaćena tač. 1., 2. i 3. ovog člana - opštinski sekretarijat za narodnu odbranu.

Izuzetno, od odredbe stava 2. ovog člana ako zbog ratnih dejstava na području okruga, preduzeće i drugo pravno lice od posebnog značaja za odbranu Republike ili od posebnog značaja za odbranu okruga odnosno grada, nije u mogućnosti da saglasnost na akt o unutrašnjoj ratnoj organizaciji zatraži od okružnog odnosno gradskog sekretarijata odbrane, saglasnost na taj akt daje opštinski sekretarijat za narodnu odbranu u sjedištu preduzeća i drugog pravnog lica.

Pri davanju saglasnosti uzima se u obzir vrsta i obim poslova i zadataka koji će državni organ, preduzeće i drugo pravno lice vršiti, da li je broj izvršilaca utvrđen adekvatno vrsti i obimu predviđenih poslova i zadataka i da li su rukovodna i ključna radna mjesta određena u skladu sa kriterijima predviđenim u Uredbi o kriterijima i normativima raspoređivanja građana i materijalnih sredstava u oružane snage i druge potrebe odbrane ("Službeni list RBiH", broj 19/92).

Uz zahtjev za davanje saglasnosti iz st. 2. i 3. ovog člana, dostavlja se akt o unutrašnjoj ratnoj organizaciji iz člana 5. ove uredbe, kao i mirnodopski akt o unutrašnjoj organizaciji.

Popunu ljudstvom državnih organa, preduzeća i drugih pravnih lica, u skladu sa aktom o unutrašnjoj ratnoj organizaciji na koji je data saglasnost iz stava 2. i 3. ovog člana, vrši nadležni opštinski sekretarijat za narodnu odbranu na način i po postupku utvrđen u uredbi iz stava 4. ovog člana."

Član 3.

Ova uredba stupa na snagu danom objavljivanja u "Službenom listu RBiH".

V broj 263/93

12. decembra 1993. godine

Sarajevo

Potpredsjednik

Vlade RBiH,

Edib Bukvić, s. r.

6

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE

O IMENOVANJU DEKANA AKADEMIJE SCENSKIH UMJETNOSTI U SARAJEVU

Za dekana Akademije scenskih umjetnosti u Sarajevu imenuje se doc. ADMIR GLAMOČAK.

Ovo rješenje objaviti u "Službenom listu RBiH".

V broj 258/93

26. novembra 1993. godine

Sarajevo

Predsjednik

Vlade RBiH,

dr Haris Silajdžić, s. r.

7

Na osnovu člana 29. stav 5. i člana 34. stav 3. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

RJEŠENJE

O IMENOVANJU UPRAVNOG I NADZORNOG ODBORA GRADEVINSKOG FAKULTETA U SARAJEVU

1. Imenuje se Upravni odbor Građevinskog fakulteta u Sarajevu u sastavu:

- 1) dr BORISLAV STANKOVIĆ, predsjednik
- 2) dr DŽEVAD SARAČ, član
- 3) MUSTAFA BEGIĆ, član
- 4) MEHMED DRINO, član
- 5) ZORAN BARBALIĆ, član
- 6) SEKIB HUSREMOVIĆ, član

2. Imenuje se Nadzorni odbor Građevinskog fakulteta u Sarajevu:

- 1) dr HUSNO HRELJA, predsjednik
- 2) SAFEDIN ODOBAŠIĆ, član
- 3) dr RUSMIR TANOVIĆ, član

3. Ovo rješenje objaviti u "Službenom listu RBiH".

V broj 259/93

26. novembra 1993. godine

Sarajevo

Predsjednik

Vlade RBiH,

dr Haris Silajdžić, s. r.

8

Na osnovu tač. VIII i XIII Odluke o otvaranju deviznih računa za potrebe Republike Bosne i Hercegovine ("Službeni list RBiH", broj 25/93), ministar finansija, donosi

UPUTSTVO

O NAČINU EVIDENTIRANJA I USLOVIMA RASPOLAGANJA SREDSTVIMA NA DEVIZNIM RAČUNIMA OTVORENIM ZA POTREBE REPUBLIKE BOSNE I HERCEGOVINE

1. Ovim uputstvom se propisuje način evidentiranja i uslovi raspolaganja sredstvima na deviznim računima otvorenim za potrebe Republike Bosne i Hercegovine.

2. Devizna sredstva uplaćena u korist računa "MINISTARSTVO FINANSIJA-SREDSTVA REPUBLIKE" račun broj 7230, Narodna banka Bosne i Hercegovine (u daljem tekstu: Narodna banka) knjižit će na sintetičkom računu 7230 i evidentirati analitički na podpartijama računa prema izvorima i korisnicima sredstava.

Ministarstvo finansija dostavit će Narodnoj banci nazive podpartija računa po kojim će Narodna banka otvoriti račune od broja 7230-1 do 7230-n.

3. Devizna sredstva, koja se nalaze na računu iz tačke 2. ovog uputstva i koja se koriste putem tog računa, evidentiraće se i iskazivati na računu i u poslovnim knjigama, po vrstama valuta u kojima su ostvarena i utrošena a za potrebe deviznog bilansa bit će preračunata i iskazana u američkim dolarima.

4. Nakon usvajanja republičkog budžeta korisnici deviznih sredstava ispostavljaju zahtjev za devizno plaćanje koji dostavljaju Ministarstvu finansija.

5. Zahtjev iz tačke 4. ovog uputstva mora sadržavati naročito sljedeće dokumente:

- ugovor, fakturu, proforma fakturu, obavještenje poslovne banke o dopjeću plaćanja i sl.,

- naziv korisnika sredstava, poslovnu banku kod koje se vodi račun korisnika, broj računa, način i uslove plaćanja, iznos koji se plaća i valutu u kojoj se vrši plaćanje.

6. Ministarstvo finansija obrađuje zahtjev korisnika za devizno plaćanje sa aspekta ispravnosti i potpunosti propisane dokumentacije i uslova iz tačke 5. ovog uputstva i isti dostavlja Vladi Republike Bosne i Hercegovine u užem sastavu koja razmatra dostavljeni zahtjev i o tome donosi svoju odluku, u skladu sa tačkom VII Odluke o otvaranju deviznih računa za potrebe Republike Bosne i Hercegovine.

7. Ministarstvo finansija, na bazi utvrđenih prioriteta, izdaje Narodnoj banci nalog za plaćanje na teret sredstava računa 7230. Kopija naloga se dostavlja korisniku.

8. Nalog za plaćanje mora sadržavati sve propisane dokumente za izvršenje plaćanja.

9. Nalog za plaćanje u ime Ministarstva finansija potpisuju:

- a) ministar,
- b) pomoćnik ministra za budžet,
- c) pomoćnik ministra za kreditno-monetarni, bankarski, devizni i carinski sistem,
- d) pomoćnik ministra za pravne poslove.

10. Nalozi za plaćanje se ovjeravaju pečatom Ministarstva finansija.

11. Ministarstvo finansija je dužno najmanje jednom u tri mjeseca izvještavati Vladu Republike Bosne i Hercegovine o stanju i kretanju sredstava na ovom računu.

12. Devizna sredstva uplaćena u korist računa "VAN-BUDŽETSKA SREDSTVA REPUBLIKE-NAMJENSKE DONACIJE", račun broj 7260, Narodna banka knjižit će na sintetičkom računu broj 7260 i evidentirati analitički na podpartijama računa za svakog korisnika namjenske donacije odnosno za svaki pojedinačni program ili projekat.

13. Odobrenje za otvaranje podpartija računa iz tačke 12. ovog uputstva daje Vlada Republike Bosne i Hercegovine, na osnovu zahtjeva korisnika računa.

Korisnik računa, uz zahtjev za otvaranje računa, dužan je da dostavi program prikupljanja namjenskih donacija i plan i

program utroška sredstava za realizaciju programa, projekata i aktivnosti.

14. Po dobivanju odobrenja iz tačke 13. ovog uputstva, Ministarstvo finansija će, kod Narodne banke, otvoriti posebnu podpartiju za korisnika namjenske donacije. Potrebnu dokumentaciju za otvaranje deviznog računa, korisnik računa podnosi Narodnoj banci.

15. Pravo raspolaganja deviznim računima ima korisnik računa, u skladu sa dostavljenim planom i programom utroška deviznih sredstava.

16. Naloge za plaćanje, sa potrebnom dokumentacijom za plaćanje, ispostavlja korisnik računa.

17. Sredstva na računima iz tačke 12. ovog uputstva ne podliježu obaveznim izdvajanjima na ostvarene devizne prilive.

18. Kontrolu namjenskog korištenja sredstava, u skladu sa usvojenim planom i programom utroška deviznih sredstava i važećim propisima, vrši Narodna banka.

19. Narodna banka je dužna da najmanje jednom u tri mjeseca izvještava Vladu Republike Bosne i Hercegovine o stanju i kretanju sredstava na računu iz tačke 12. ovog uputstva.

20. Ovo uputstvo stupa na snagu danom objavljivanja u "Službenom listu RBiH".

Broj 07-021-3309/93

21. decembra 1993. godine
Sarajevo

Ministar finansija
dr Sead Kreso, s. r.

9

Na osnovu člana 10. stav 2. Uredbe sa zakonskom snagom o privremeno napuštenim nekretninama u svojini građana za vrijeme ratnog stanja ili u slučaju neposredne ratne opasnosti ("Službeni list RBiH", broj 11/93), Uprava za geodetske i imovinsko-pravne poslove Republike Bosne i Hercegovine, donosi

UPUTSTVO

O POPISU, OBEZBJEDENJU I EVIDENCIJI NAPUŠTENIH STAMBENIH ZGRADA I STANOVA U SVOJINI GRAĐANA

1. Ovim uputstvom propisuje se način i postupak popisa, obezbjeđenja i uspostava evidencije napuštenih stambenih zgrada, stanova, poslovnih zgrada i prostorija u svojini građana (u daljem tekstu: napuštene nekretnine) i način njihove dodjele na privremeno korišćenje.

2. Opštinski organ uprave nadležan za stambene poslove (u daljem tekstu: opštinski organ) vrši popis, obezbjeđenje i evidenciju napuštenih nekretnina iz tačke 1. ovog uputstva i evidenciju o dodjeli ovih nekretnina na privremeno korišćenje.

3. Opštinski organ dužan je u roku od osam dana od dana donošenja rješenja o utvrđenju da su nekretnine napuštene, izvršiti popis napuštenih nekretnina. Popis napuštenih nekretnina, prema vrsti, vodi se u sljedećim popisnim knjigama:

- popisna knjiga napuštenih stambenih zgrada i stanova u svojini građana;
- popisna knjiga napuštenih poslovnih zgrada i poslovnih prostorija u svojini građana.

Popisne knjige su jedinstvene za područje opštine.

4. Opštinski organ za vršenje poslova iz tačke 1. ovog uputstva formira komisiju. Komisija se sastoji od tri člana od kojih je jedan član predstavnik mjesne zajednice područja na kojem se nekretnina nalazi. Članove komisije imenuje funkcioner koji rukovodi opštinskim organom. Komisija se može formirati za područje jedne ili više mještinskih zajednica.

5. Komisija iz tačke 4. ovog uputstva (u daljem tekstu: Komisija) će na licu mjesta utvrditi sve činjenice od značaja za popis i obezbjeđenje napuštene nekretnine o čemu će sačiniti zapisnik.

Zapisnik treba da sadrži:

- a) podatke o vlasniku,
- b) sve podatke o napuštenoj nekretnini (vrsta i struktura objekta, katastarske oznake, adresa, firma, površina i broj

prostorija, stanje u kojem se nekretnina nalazi u momentu popisa, kao i potpun popis i stanje stvari pripadajućih napuštenuj nekretnini; a u slučaju da je napuštena nekretnina dijelom bespravno useljena i podatke o tom dijelu napuštene nekretnine, c) podatke o korisniku zatečenom u momentu popisa (prezime, ime oca, ime, broj lične karte, matični broj, broj članova porodičnog domaćinstva bespravnog uselioca i datum bespravnog useljenja), d) podatke o dijelu napuštene nekretnine koji se ne koristi, e) konstataciju o pečaćenju dijela napuštene nekretnine koji nije bespravno useljen.

6. Za napuštene nekretnine koje su bespravno useljene Komisija će, bez odlaganja, pokrenuti postupak deložacije kod nadležnog organa, uz naznaku da se radi o hitnom postupku. Komisija će prisustvovati deložaciji, te će zapisnički utvrditi stanje napuštene nekretnine i pokretnih stvari.

7. Bespravni posjednici napuštenih nekretnina, kao i sva ostala lica, dužni su omogućiti rad Komisije.

8. Opštinski organ će uz vršenje popisa napuštenih nekretnina iz tačke 3. ovog uputstva, voditi i evidencione listove za svaku napuštenu nekretninu posebno.

Opštinski organ će evidencione listove numerisati unaprijed.

Evidencioni listovi, zajedno sa zapisnicima sa uvidaja na licu mjesta, predstavljaju dokumentaciju trajne vrijednosti.

9. Evidencioni list iz tačke 8. ovog uputstva sadrži:

a) podatke o napuštenoj nekretnini (opština, mjesna zajednica, adresa, vlasnik, firma, predmet upisa), b) podatke o pečaćenju, donošenju odluke o privremenoj dodjeli na korišćenje sa podacima o privremenom korisniku.

c) podatke o bespravnom korisniku (prezime, očevo ime, ime, broj lične karte, matični broj, broj članova porodičnog domaćinstva, datum od kada koriste stan), 10. Pečaćenje napuštene nekretnine vrši se suhim pečatom sa tvrdim voskom ili plombranjem.

11. Opštinski organ je dužan da obezbijedi redovnu, a po mogućnosti svakodnevnu kontrolu zapečaćenih napuštenih nekretnina.

12. Komisija će, po saznanju da je povrijeđen pečat, odmah izići na lice mjesta, izvršiti uvidaj, o utvrđenom stanju sačiniti zapisnik i izvršiti ponovo pečaćenje na način utvrđen u tački 6. stav 2. i tački 10. ovog uputstva, a ako je nekretnina i bespravno useljena, postupit će po odredbama tačke 6. stav 1. ovog uputstva. Protiv bespravnog uselioca i učinioca povrede pečata opštinski organ podnosi krivičnu prijavu.

13. Kada se vlasnik napuštenih nekretnina vrati na područje opštine na kojem se nalaze njegove nekretnine, podnijeeće zahtjev opštinskom organu za vraćanje nekretnina u posjed.

Opštinski organ je dužan da u roku od tri dana od dana podnošenja zahtjeva iz stava 1. ove tačke donese rješenje o prestanku važenja odluke o privremenoj dodjeli nekretnina na korišćenje i o prestanku uprave nad napuštenom nekretninom od strane opštine.

14. Komisija će od privremenog korisnika po zapisniku, preuzeti ranije mu dodijeljenu, pri čemu će zapisnički utvrditi stanje nekretnine i pokretnih stvari.

Za eventualno prouzrokovanu štetu ili uništenje stvari, opštinski organ će odrediti rok u kojem je privremeni korisnik dužan otkloniti, odnosno nadoknaditi pričinjenu štetu.

U slučaju spora između opštine i privremenog korisnika napuštene nekretnine nadležan je sud opšte nadležnosti.

15. Komisija će po izvršenom preuzimanju nekretnina i stvari od privremenog korisnika iste zapisnički vratiti vlasniku u stanju u kojem su bili u momentu uspostavljanja uprave nad njima od strane opštine. U popisnoj knjizi će se u koloni "primjedba" naznačiti da je nekretnina predata u posjed vlasniku.

16. Sastavni dio ovog uputstva su obrasci popisne knjige napuštenih stambenih zgrada i stanova, popisne knjige poslovnih zgrada i poslovnih prostorija, evidencionog lista stambenih zgrada i stanova i evidencionog lista poslovnih zgrada i poslovnih prostorija u svojini građana.

17. Ovo uputstvo stupa na snagu danom objavljivanja u "Službenom listu RBiH".

Broj 01-021-10/93

20. oktobra 1993. godine

Sarajevo

Direktor
Mustafa Begić, s. r.

Republika Bosna i Hercegovina

Opština:

Opštinski organ uprave

Broj:

Sarajevo, _____ 1993. g.

EVIDENCIONI LIST O POPISU NAPUŠTENIH POSLOVNIH ZGRADA I PROSTORIJA U SVOJINI GRAĐANA

PODACI O NAPUŠTENJOJ NEKRETNINI

1.	Predmet upisa je poslovna zgrada-prostorija	
2.	Naziv (fima) poslovne zgrade-prostorije	
3.	Vlasnik nekretnine	
4.	Ulica i broj	
5.	Mjesna zajednica	
6.	Pečaćenje izvršeno (naznačiti dan i sat)	
7.	Zgrada-prostorija dodijeljena na privremeno korišćenje	
8.	Prezime, očevo ime, ime korisnika i broj lične karte	

PODACI O BESPRAVNOM KORISNIKU

9.	Prezime, očevo ime, ime i broj lične karte	
10.	Datum od kada se nekretnina bespravno koristi	
11.	Datum prijave za deložaciju nadležnom organu	
12.	Datum deložacije	

ČLANOVI KOMISIJE:

1. _____
2. _____
3. _____

Republika Bosna i Hercegovina

Opština:

Opštinski organ uprave

Broj:

Sarajevo, _____ 1993. g.

EVIDENCIONI LIST O POPISU NAPUŠTENIH STAMBENIH ZGRADA I STANOVA U SVOJINI GRAĐANA

PODACI O NAPUŠTENJOJ NEKRETNINI

1.	Predmet upisa je stambena zgrada-stan	
----	---------------------------------------	--

2.	Vlasnik nekretnine	
3.	Ulica i broj-sprat	
4.	Mjesna zajednica	
5.	Pečaćenje izvršeno (naznačiti dan i sat)	
6.	Zgrada-stan dodijeljen na privremeno korišćenje	
7.	Prezime, očevo ime, ime korisnika i broj lične karte	

PODACI O BESPRAVNO USELJENOM LICU

8.	Prezime, očevo ime, ime i broj lične karte	
9.	Broj članova porodice	
10.	Datum od kada koriste stan-zgradu	
11.	Datum prijave za deložaciju	
12.	Datum deložacije	

ČLANOVI KOMISIJE:

1. _____
2. _____
3. _____

Ustavni sud Bosne i Hercegovine

Na osnovu člana 407. Ustava Republike Bosne i Hercegovine, Ustavni sud Bosne i Hercegovine, na sjednici održanoj 18. novembra 1993. godine, donio je

ODLUKU

O IZMJENAMA I DOPUNAMA POSLOVNIKA
USTAVNOG SUDA BOSNE I HERCEGOVINE

Član 1.

U Poslovniku Ustavnog suda Bosne i Hercegovine ("Službeni list SRBiH", broj 1/91 i "Službeni list RBiH", broj 8/92), poslije člana 33. dodaje se novi član 33a. koji glasi:

"Za vrijeme ratnog stanja Ustavni sud može odlučiti da vodi postupak i kada nisu ispunjeni svi uslovi iz člana 32. i 33. Poslovnika, što Sud cijeni u svakom pojedinim slučaju".

Član 2.

U članu 34. stav 1. tačka 4. briše se.

Član 3.

Ova odluka stupa na snagu narednog dana od dana objavljivanja u "Službenom listu RBiH".

Predsjednik

Ustavnog suda BiH,

prof. dr Ismet Dautbašić, s. r.

ODLUKU

Utvrdjuje se da odredbe članova 33. i 38. Zakona o prevozu u drumskom saobraćaju ("Službeni list SRBiH", broj 22/90) prestaju da važe.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 90/91 ("Službeni list RBiH", broj 6/93), utvrdio je da odredbe članova 33. i 38. Zakona o prevozu u drumskom saobraćaju nisu u saglasnosti sa Ustavom.

Navedenim odredbama Zakona propisano je da se ulazak i izlazak putnika vrši na autobuskim stanicama, odnosno autobuskim stajalištima upisanim u registrovani red vožnje, da u naselju gdje postoji autobuska stanica prevoznici, odnosno samostalni privrednici dužni su se koristiti tom stanicom, izuzev u gradskom prevozu, a ulazak i izlazak putnika u međugradskom prevozu vrši se samo na toj stanici (član 33.). Autobuska stanica mora pod jednakim uslovima obezbijediti pružanje usluga svakom prevozniku, odnosno samostalnom privredniku koji u registrovanom redu vožnje ima upisanu tu stanicu, a uslovi i način korištenja usluga, kao i visinu naknade za izvršene usluge uređuju se ugovorom između autobuske stanice i prevoznika, odnosno samostalnog privrednika (član 38.).

Odluka je 15. 3. 1993. godine dostavljena Skupštini Republike Bosne i Hercegovine, od kada je, u smislu stava 2. člana 395. Ustava Republike Bosne i Hercegovine, počeo teći rok od šest mjeseci za uskladjivanje osporenih odredaba Zakona sa Ustavom. Pošto u Ustavom određenom roku odredbe člana 33. i 38. Zakona nisu uskladene sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

Odluka U broj 90/91
21. oktobra 1993. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 1, člana 395. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine, na sjednici održanoj 4. 11. 1993. godine, donio je

ODLUKU

Utvrdjuje se da odredba člana 21. stav 1. tačka 5. Zakona o advokaturi ("Službeni list SRBiH", br. 34/89 i 27/91), prestaje da važi.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine odlukom U broj 130/91 od 23. 3. 1993. godine, utvrdio je da odredba člana 21. stav 1. tačka-5. Zakona o advokaturi nije u saglasnosti sa Ustavom.

Navedenom odredbom Zakona propisano je da pravo na upis u imenik advokata ima lice koje je po svojim radnim i ljudskim kvalitetima dostojno vršenja advokatske djelatnosti.

Odluka je 21. 4. 1993. godine dostavljena Skupštini Republike Bosne i Hercegovine, od kada je, u smislu stava 2. člana 395. Ustava Republike Bosne i Hercegovine, počeo teći rok od šest mjeseci za uskladjivanje osporene odredbe Zakona sa Ustavom. Pošto u Ustavom utvrđenom roku osporena odredba nije uskladena sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

Odluka U broj 130/91
4. novembra 1993. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 3, člana 405. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine, na sjednici održanoj 4. 10. 1993. godine, donio je

ODLUKU

1. Poništava se Odluka tzv. Ustavotvorne skupštine o obrazovanju Autonomne pokrajine Zapadna Bosna, donesena 27. 9. 1993. godine u Velikoj Kladuši i drugi opšti akti doneseni na osnovu ove odluke.

2. Državni organi u Republici Bosni i Hercegovini dužni su da, u skladu sa svojom nadležnošću, preduzmu sve mjere i aktivnosti na izvršenju ove odluke.

3. Ova odluka objaviće se u "Službenom listu RBiH" i u službenim glasilima Okruga Bihać i opština Okruga Bihać.

Obrazloženje

Vlada Republike Bosne i Hercegovine, prijedlogom od 3. 10. 1993. godine, pokrenula je postupak za ocjenjivanje ustavnosti navedenih akata.

Osporenim aktima obrazovana je Autonomna pokrajina Zapadna Bosna i njeni organi vlasti - predsjednik Pokrajine, Predsjedništvo Skupštine, Vlada, Vrhovni sud. Propisano je da su do konstituisanja "Republike Bosne" i Unije republika Bosne i Hercegovine u nadležnosti Autonomne pokrajine: narodna odbrana i policija, inostrani poslovi, sudstvo, poslovi državne uprave, odlučivanje o porezima i doprinosima, kao i svim drugim pitanjima, osim onih koja će prema ustavnom sporazumu biti u nadležnosti Unije. Na snazi ostaju svi propisi Republike Bosne i Hercegovine koji su važili na dan donošenja Odluke o obrazovanju Autonomne pokrajine, ako nisu u suprotnosti sa propisima koje donosi Ustavotvorna skupština.

Prema Ustavu Republike Bosne i Hercegovine radni ljudi i građani, narodi Bosne i Hercegovine - Srbi, Hrvati i Muslimani i pripadnici drugih naroda i narodnosti svoja suverena prava ostvaruju u Republici Bosni i Hercegovini (Amandman LX). Teritorija Republike je jedinstvena i nedjeljiva (Amandman LXII tačka 1. stav 1.). Ustavom je određeno koje se društveno-političke zajednice obrazuju u Republici i određeno da Republika preko republičkih organa, u okviru svojih prava i dužnosti utvrdjenih Ustavom, uređuje političko-teritorijalnu organizaciju Republike (član 304. stav 1. tačka 21.). Nadalje je propisano da Republika uređuje i finansiranje društveno-političkih zajednica, poreski sistem, sistem taksa i drugih dažbina; sistem narodne odbrane i stara se o njegovom sprovođenju; uređuje i organizuje službu državne bezbjednosti; uređuje službu javne bezbjednosti; sistem državne uprave; vrste, nadležnost, sastav i organizaciju redovnih sudova (član 304. stav 1. tačka 8, 10. i 20. i Amandman XXXIX tačka 1.).

Ustav Republike Bosne i Hercegovine ne poznaje autonomnu pokrajinu kao oblik njenog unutrašnjeg državnog i teritorijalnog uređenja.

Polazeći od navedenih ustavnih odredaba Odluka o obrazovanju Autonomne pokrajine Zapadna Bosna u nesaglasnosti je sa Ustavom jer se njome uspostavlja novi oblik društveno-političke zajednice u Republici koji Ustav ne predviđa. Osim toga, naziv i karakter organa Autonomne pokrajine, njene nadležnosti i položaj u odnosu na Republiku upućuju na zaključak da ta zajednica pretenduje da bude autonomni državno-pravni subjekt i uz to preuzme funkcije koje su u isključivoj nadležnosti Republike Bosne i Hercegovine. Na taj način se narušava političko-teritorijalna organizacija Republike i, po ocjeni Ustavnog suda, na najgrublji način krši njeno državno uređenje i ustavno-pravni poredak.

Imajući u vidu težinu povrede Ustava koja je učinjena poništenim aktima, štetne posljedice koje su ovi kati proizveli i proizvode po ustavni poredak Republike, te ustavne odredbe prema kojima su odluke Ustavnog suda obavezne i izvršne (član 405.), a svako dužan da se pridržava Ustava i zakona (član 208.), Ustavni sud zahtijeva od državnih organa u Republici da, u granicama svojih nadležnosti, preduzmu sve mjere i aktivnosti koje su potrebne za izvršenje ove odluke.

Odluka U broj 15/93
4. oktobra 1993. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Narodna banka Bosne i Hercegovine

Na osnovu članova 42, 76. stav 1. tačka 4) i 83. Uredbe sa zakonskom snagom o Narodnoj banci Bosne i Hercegovine ("Službeni list RBiH, broj 1/93), guverner Narodne banke Bosne i Hercegovine, donosi

ODLUKU

O POVLAČENJU IZ OPTICAJA NOVČANIH BONOVA U APOENIMA OD 10, 20, 500, 100 I 500 DINARA

1. Narodna banka Bosne i Hercegovine povlači iz opticaja novčane bonove u apoenima od 10, 20, 50, 100 i 500 dinara sa obilježjima utvrđenim Odlukom o izdavanju novčanih bonova i temeljnim obilježjima novčanih bonova, G broj 11/92 od 20. VIII 1992. godine.

2. Novčani bonovi iz tačke 1. ove odluke prestaju vršiti funkciju novčanica na teritoriji grada Sarajeva, odnosno prestaju biti zakonsko sredstvo plaćanja 1. I 1994. godine.

3. Narodna banka Bosne i Hercegovine vršiti će od 4. I - 28. II 1994. godine zamjenu novčanih bonova iz tačke 1. ove odluke koji prestaju vršiti funkciju novčanica na teritoriji grada Sarajeva odnosno prestaju biti zakonsko sredstvo plaćanja.

4. Ova odluka stupa na snagu danom donošenja, a objavit će se u "Službenom listu RBiH".

G broj 51/93

22. decembra 1993. godine
Sarajevo

Guverner
Narodne banke BiH,
Kasim Omićević, s. r.

Državni zavod za statistiku Sarajevo

Na osnovu člana 85. tač. 1-11. Uredbe sa zakonskom snagom o računovodstvu ("Službeni list RBiH", broj 2/92), Zavod za statistiku Republike Bosne i Hercegovine, utvrđuje

KOEFICIJENTE

RASTA CIJENA I KOEFICIJENTE RASTA TROŠKOVA ŽIVOTA U RBiH U OKTOBRU/LISTOPADU 1993.

1. Mjesečni koeficijent rasta cijena proizvođača industrijskih proizvoda u mjesecu oktobru/listopadu 1993. godine u odnosu na prethodni mjesec je 0,547.

2. Koeficijent rasta cijena proizvođača industrijskih proizvoda od početka godine do kraja oktobra/listopada je 37,660.

3. Koeficijent prosječnog mjesečnog rasta cijena proizvođača industrijskih proizvoda od početka godine do kraja oktobra/listopada je 10,930.

4. Koeficijent rasta cijena proizvođača industrijskih proizvoda u mjesecu oktobru/listopadu 1993. godine u odnosu na isti mjesec prethodne godine je 91,370.

5. Mjesečni koeficijent rasta cijena na malo u mjesecu oktobru/listopadu ove godine u odnosu na prethodni mjesec je 0,485.

6. Koeficijent rasta cijena na malo od početka godine do kraja oktobra/listopada je 203,390.

7. Koeficijent prosječnog mjesečnog rasta cijena na malo od početka godine do kraja oktobra/listopada je 66,780.

8. Koeficijent rasta cijena na malo u oktobru/listopadu 1993. godine u odnosu na isti mjesec prethodne godine je 557,70.

9. Koeficijent rasta prosječnih troškova života u oktobru/listopadu 1993. godine u odnosu na prosjek prethodne godine je 214,025.

Broj 75
25. decembra 1993. godine
Sarajevo

Direktor
dr Hasan Zolić, s. r.

SADRŽAJ

Uredba sa zakonskom snagom o porezu za potrebe odbrane i obnove Republike Bosne i Hercegovine
 Uredba sa zakonskom snagom o službi u Armiji Republike Bosne i Hercegovine
 Uredba sa zakonskom snagom o izmjenama i dopunama Uredbe sa zakonskom snagom o vojnoj obavezi
 Odluka o imenovanju Komisije matičara za osnivanje Pedagoške akademije u Zenici
 Uredba o dopuni Uredbe o radnoj obavezi
 Rješenje o imenovanju dekana Akademije scenskih umjetnosti u Sarajevu
 Rješenje o imenovanju Upravnog i Nadzornog odbora Građevinskog fakulteta u Sarajevu
 Uputstvo o načinu evidentiranja i uslovima raspolaganja sredstvima na deviznim računima otvorenim za potrebe Republike Bosne i Hercegovine
 Uputstvo o popisu, obezbjeđenju i evidenciji napuštenih stambenih zgrada i stanova u svojini građana

USTAVNI SUD BOSNE I HERCEGOVINE

- 1 Odluka o izmjenama i dopunama Poslovnika Ustavnog Suda Bosne i Hercegovine
- 2 Odluka o utvrđivanju odredbe članova 33. i 38. Zakona o prevozu u drumskom saobraćaju ("Službeni list SR BiH", broj 22/90) prestaju da važe
- 2 Odluka o utvrđivanju odredbe člana 21. stav 1. tačka 5. Zakona o advokaturi ("Službeni list SR BiH", br. 34/89 i 27/91), prestaje da važi
- 3 Odluka o poništavanju Odluke tzv. Ustavotvorne skupštine o obrazovanju Autonomne pokrajine Zapadna Bosna, donesena 27. 9. 1993. godine u Velikoj Kladuši i drugi opšti akti doneseni na osnovu ove odluke

NARODNA BANKA BOSNE I HERCEGOVINE

- 4 Odluka o povlačenju iz opticaja novčanih bonova u apoenima od 10, 20, 50, 100 i 500 dinara

DRŽAVNI ZAVOD ZA STATISTIKU SARAJEVO

Koeficijenti rasta cijena i koeficijenti rasta troškova života u RBiH u oktobru/listopadu 1993.